



Hotzetik berora joan zen sagardo festa

Jendea festara batzea kostako zela zirudien lehen orduan. Baina azkenean, urtero moduan, sagardo zaleek herria hartu zuten maiatzaren 17an. Hotzetik hasi zen usurbildarren urteko jaialdi nagusia berotzen joan zen, egunak aurrera egin ahala. Sagardo postuetako joan etorria ikusi besterik ez zen, giro ederraz jabetzeko.

Ezin ahaztu, antolatzaileek hilabeteotan eta egunean bertan egindako lana, ezta sagardo adalontzietan zerbitzatzearitu ziren herritarrek eskainitako laguntza ere. #Kilometroak15 urtean gaudenez, nola ez, 1968-69 urtean sorturiko Udarregi Ikastolak izan zuen Sagardo Egunari hasiera emateko ohorea. Ilusioz beterik, eta Kilometroak15 ekimenaren



aldeko lanean dabiltzan guztiei eskerrak emateko baliatu zuen

unea, Arantxa Iribar irakasleak. Irekiera ekitalditik au-

rerra, sagardoaren txinpartak ederki berotu zituen bazterrak.



Arantxa Iribarrek 45 urte daramatza Udarregi ikastolan, irakasle lanetan. Berak izan zuen aurtengo #SagardoEguna-ri hasiera emateko ohorea.



Aitor Izagirrentzat izan zen botatzaileen txapela. Joseba Bengoetxearentzat bigarren saria izan zen eta, hirugarrena, Ander Aisarentzat.



#Gattunk tonbolan jendetza ibili zen goizetik iluntzera arte.



Izeberg eta Erokomeri-rekin giroa pil-pilean izan zen txosna gunean.



“Elkartasunezko milaka talo”

Herrian falta direnez oroitze-ko, elkarretaratzea iragarri zuen Usurbilen Nahi Ditugu Elkarteak. Talo-egileak erretiroa hartzeko asmoa dutela jakin zutenean, mobilizazioa talo-egileen-gana hurbildu zen eta han ondoko testua irakurri zuten, eta bertso bat abestu zuten. Une hunkigarria izan zen.

“Urtero Sagardo Eguneko jaiak preso dauzkagun herrikideak gure artean behar ditugula gogoratzeko aprobetxatzen dugu, haiek ere gure artean, sagardo goxoa dastatzen nahi ditugula adierazteko. Gure artean, Gure artera... Izen horrekin hasi zen lanean usurbildar talde bat duela urte mordoia herriko preso eta iheslarien eskubideak aldarrikatuz eta beren senideei laguntza eta elkartasuna ekarriz.



Ohi bezala, eguerdian elkarretaratzea egin zuten. Baina honakoan, talo-egileei urteotan egindako lana eskertu nahi izan zieten txotx batekin.

Azken 20 urteetan, etenik gabe, alboan izan ditugu. Erraz esaten da baina guk inor baino hobeto dakigu gure senideei eta guri ere tokatu zaizkigun une latzetan bakarrik ez gaudela sentitzeak duen garrantzia. Gainera, guri ekarri diguten laguntza harago, Usurbilgo herriari ere ekarpen bikaina egin diote zalan-tzarik gabe.

Izan ere, beren esku trebeekin ur-

teko festa nagusietan prestatu dituzten talo goxoei esker talde-lanaren balioa erakutsi dute eta, zer esanik ez, herri giroa ere pixkorta dute. Ondare hori jasotzeko beste belaunaldiak animatuko direla espero dugu, zinez, lastima izango bailitzateke balore horiek ez transmititzea.

Horregatik guztiagatik, egin duten lan bikainagatik eta beti gure ondoan izan direlako gure esker ona adierazi

diegu publikoki aurtengo Sagardo Egunean. Xomorro, Olatz eta Patxiarekin batera topa egin dugu beren omenez.

Seguru gaude taldean izan edo ez, beren babesa izaten jarraituko dugula eta preso guztiak, iheslari guztiak, sasia dauden guztiak etxean, gure artean izan arte, bidelagun izango ditugula beste herritar askorekin batera. Miles-ker. Biba zuek!

Hainbeste urte laguntzen beti gure herritar presoak zabaldurikan zuen bihotzak luzaturikan besoak. Herritar askok dastatu dugu milaka talo goxoak zuei eskerrak adierazteko eguna dugu gaurkoa Españiako kartzeletatik

Usurbilen Nahi Ditugu Elkarteak”